

B: gaztelekuak eta gaztetxeak

1 Iritziak eta informazioa trukatzeko

1.1

Aurreko atazan gaztetxeen gaia ukitu dugunez, hel diezaiozun gai horri. Herri batzuetan gaztetxeak omen daude, eta beste batzuetan, berriz, gaztelekuak. Zertan ote dira antzekoak eta zertan ezberdinak?

➔ Taldeka jarri eta osa ezazue ondorengo taula

GAZTETXEAK ETA GAZTELEKUAK

	ZERTAN DIRA BERDINAK	ZERTAN EZBERDINAK
Giroa		
Gestioa		
Azpiegitura		
Egiten diren ekintzak		
Ibiltzen den jendea		



- **Talde bakoitzean bozeramaile bat izendatu eta zuen artean esandakoaren berri eman die-zaiola talde osoari. Klaseko guztion artean taula osatu.**
- **Azter dezagun, taldeka, zuen herriaren egoera:**
 1. Badago gaztetxerik edo gaztelekurik?
 2. Zu joaten zara? Zergatik bai / ez?
 3. Zein ekintza egiten dira bertan? Ala beste taberna bat besterik ez da?
 4. Zer-nolako harremana dute udaletxekoekin?
- **Zalantzaren bat baduzue kontsulta ezazue beste taldekoekin.**

1.2

"Eibarko Errota gaztelekua"

- **Irakurri ondorengo galderak:**
 1. Zeini zuzenduta dago?
 2. Zein helbururekin zabaldu dute?
 3. Zein hutsune dute adin horretako gazteek?

4. Zeri esaten dio zubi-lana?

5. Zein zerbitzu eskaintzen ditu gaztelekuak?

-
-
-
-
-
-

6. Nola hartu dute gazteek? Joaten dira gaztelekura?

➤ **Entzun arretaz Eibarko gaztelekuari buruzko elkarrizketa.**

➤ **Orain, binaka, erantzun lehen irakurritako galderari.**

1.3

➤ **Denon artean zuzendu**

1.4

➤ **Jar zaitetze berriro taldeka eta har ezazue hasierako taula. Entzun duzuenarekin eta aurreko atazan Lorea Agirrerri egindako elkarrizketarekin osatu informazioa, eta bete taulako hutsuneak.**

➤ **Talde txikitan jarrita puntu honen inguruan eztabaidatu:**

1. Zuen ustez izango luke arrakastarik horrelako gazteleku batek Arrasaten? Bi balizko egoera:

– Gaztetxea egonda:

✓ Zergatik bai?

✓ Zergatik ez?

– Gaztetxerik egon ezean:

✓ Zergatik bai?

✓ Zergatik ez?

2

Udaletan arlo ezberdinak daude

2.1

Zerbitzu publikoak kudeatzeko Udala ARLOTAN egituratuta dago. Guk idazten dugun edozein idazkiri sarrera eman behar zaio, eta zeini zuzenduta dagoen jarri beharko dugu, hau da, eskaera edo kexa nori aurkezten diogun.

Horretarako, arloak zeintzuk diren eta euren lana edo eginkizuna zein den aztertu beharko dugu. Ez da gauza bera isun bat dela eta egindako erreklamazioa edota gazteentzako lokal baten eskaera. Bide diferenteetatik ailegatuko dira heldu behar diren lekura.



Hemen dituzu Arrasateko Udaleko Arloak eta Sailak. Hau guztia irakaslearekin landuko duzue.

ARLOEN EGITURAKETA

ALKATETZA

- ✓ ALKATETZA
- ✓ IDAZKARITZA
- ✓ UDALTZAINGOA

GIZARTE SUSTAPENA

- ✓ OSASUNA ETA ONGIZATEA
- ✓ EMAKUMEA
- ✓ GAZTERIA

BARNE KUDEAKETA ETA KALITATEA

- ✓ PERTSONALA
- ✓ OGASUNA ETA KONTUAK

EUSKARA ETA KULTURA SUSTAPENA

- ✓ KULTURA
- ✓ EUSKARA
- ✓ HEZKUNTZA
- ✓ KIROLAK

HIRIGINTZA ETA OBRAK

- ✓ HIRIGINTZA ETA OBRAK

GARAPEN ESTRATEGIKOA

ZERBITZU, MANTENU ETA AUZOAK

- ✓ ZERBITZUAK ETA MANTENUA

- ✓ ENPLEGU ETA GARAPEN EKONOMIKOA
- ✓ INGURUMENA

Binaka, lotu zutabeak. Zeinen esku egongo da horietako eginkizun bakoitza?

- | | |
|--|---|
| 1) Udaletxea ordezkatu. | a) Udaltzaingoa (Alkatetza) |
| 2) Obra lizentziak, jarduerak jartzeko lizentziak eta establezimenduak irekitzeko lizentziak eman. | b) Ingurumena (Garapen estrategikoa) |
| 3) Obra txikiak egiteko lizentziak eman. | c) Alkatea (Alkatetza) |
| 4) Agirien sarrera-irteerak erregistratu. | d) Gazteria arloa (Gizarte sustapena) |
| 5) Kaleak garbitu. | e) Hirigintza eta obrak |
| 6) Trafikoa zaindu. | f) Euskara (Euskara eta kultura sustapena) |
| 7) Diru sarrerak eta gastuak kontrolatu. | g) Osasuna eta ongizatea (Gizarte sustapena) |
| 8) 60 urtetik gorako pertsonak lagundu eta zaindu. | h) Idazkaritza (Alkatetza) |
| 9) Abiadura eta aparkamentuak kontrolatu. | i) Emakume saila (Gizarte sustapena) |
| 10) Emakumea babesik gabe dagoenean, egoera aztertu eta baloratu. | j) Kultura (Euskara eta kultura sustapena) |
| 11) Jaien antolaketa kudeatu. | k) Zerbitzuak eta mantenua (Zerbitzu, mantenu eta auzoak) |
| 12) Udal diru fondoak erabili, zaindu eta kudeatu. | l) Enplegu eta garapen ekonomikoa (Garapen estrategikoa) |
| 13) Obra proiektua idatzi eta exekutatu, kaleak urbanizatu, parkeak eta lorategiak, oinezko bideak egin, udal eraikinak... | m) Ogasuna eta kontuak (Barne kudeaketa eta kalitatea) |
| 14) Gazteek aisialdi ekintzetan nahiz prestakuntzan, enplegu eta zerbitzuetan behar izaten dituzten eskariei erantzun. | n) Hirigintza eta obrak |

>>

>>

- | | |
|---|--|
| 15) Arrasaten euskararen erabilera sustatu, bertako elkarte, eskola eta entitateekin elkarlanean. | o) Hezkuntza (Euskara eta kultura sustapena) |
| 16) Kirol modalitate ezberdinak praktikatu ahal izateko, herritar guztiei benetako aukera eskaini. | p) Udaltzaingoa (Alkatetza) |
| 17) Gurasoen Elkartearen jarduerak eta gizartearen hainbat sektoretatik hezkuntzari laguntzeko sortzen diren ekimenak finantzatu. | q) Ogasuna eta kontuak (Barne kudeaketa eta kalitatea) |
| 18) Hondakinak, hondakin urak eta kutsadura kontrolatu. | r) Hirigintza eta obrak |
| 19) Enplegua sustatu. | s) Kirolak (Euskara eta kultura sustapena) |
| 20) Langabeak prestatu. | t) Enplegu eta garapen ekonomikoa (Garapen estrategikoa) |

➤ Har ezazue irakasleak banatuko dizuen zuzenketa-orria eta erkatu.

Informazio gehiago nahi baduzue jo ezazue helbide honetara:
www.arrasate-mondragon.net.

2.2

➤ Hironaka jarri eta pentsatu zeintzuk izan daitezkeen gaztetxe edo gazteleku batean egoten diren arazoak. Zertarako jo behar izaten dute gaztetxeek udaletxera? Zer eskatzen dira? Hemen duzue zerrenda bat hainbat adibiderekina, ea osatzen duzuen:

- Herriko plazan gaztetxeari buruzko hitzaldia emateko baimena.
- Barruko horma bat botatzeko baimena.
- Billarrerako mahaia erosteko dirulaguntza.
- Gaztetxea margotzeko dirulaguntza.
- Gaztetxeek errekek garbitzeko asmoa dute. Bilduko duten jendearentzat eskularruak eta abar beharko dituzte. Material hori erosteko dirulaguntza.
- Diru laguntza gaztetxean bertan hitanoari buruzko ikastaroa antolatzeko.
- ...
- ...
- ...

- **Zer gehitu duzue? Zer jarri dute beste taldeetan? Bata bestearenak entzun eta zerrenda osatu.**
- **Jakin badakigu Gazteria Sailak konponduko lituzkeela arazo gehienak, baina horrez gain, zein sailalara zuzendu beharko genuke horrelako eskaera bat? Gazteria Sailik izan ezean, zeinek konponduko lituzke arazo horiek? Aztertu goian esandakoak eta jarri bakoitzaren ondoan nora zuzen daitezkeen.**
- **Talde bakoitzean izenda ezazue bozeramaile bat. Bozeramaileak zein ondoriotara iritsi zireten azaldu beharko du talde osoaren aurrean.**

2.3 Idatzi bat egin behar duzue egoera bat kontuan hartuz

Pentsa ezazu gaztetxeko ohiko bezeroa zarela. Horretaz gain, gaztetxea kudeatzen ere parte hartzen duzu. Joan zen astean, kontzertu baten ostean, komunak guztiz hondatuta geratu ziren. Aurretik ere egoera txarrean zeuden eta behin baino gehiagotan idatzi duzu udaletxera konpon ditzaten eskatuz. Orain, ezinbestekoa da ahalik eta azkarren konpontzea, ez baitaude zabalik edukitzeko moduan.

- **Idatzi udaletxera, azaldu zein den egoera eta eskatu behar diren konponketak egin ahal izateko dirulaguntza.**

Lantxo hau egiteko:

- 1.- Gogoratu aurreko atazan, hau da, "gazteak eta administrazioa" izenekoan zer landu genuen.
- 2.- Ereduak "Idatziak" liburuxkan dituzu, 9. atalean.
- 3.- Kontuan hartu zure datuak, azalpena eta eskaera garbi azaldu behar dituzula.
- 4.- Hemen dituzu ideia batzuk ordena eta osa ditzazun.

✓ GAZTETXEKO KOMUNAK KONPONTZEKO ESKAERA

✓ Eskatutakoa onartuko duzulakoan, ondo izan.

✓ Urriaren 5ean kontzertua izan genuen gaztetxean eta jende ugari bildu ginen bertan.

✓ Komunak konpontzea.

✓ Lehendik ere hondatuta zeuden, baina orain ez daude ezta zabaltzeko moduan ere.

✓ ...



2.4

- Elkartu zaitetz beste ikaskide batekin. Irakurri elkarri idatzi duzuen eta egin elkarri hobetzeko proposamenak. Hobetzeko proposamen horiek kontuan hartuta osa ezazue aurretik idatzita duzuenak.